



Մ Ա Յ Ր Ա Թ Ո Ռ Ո Ւ Մ

Փետրվարի 9-ին, շաբաթ, «Տօն Սրբոյն Սարգսի զօրավարին և որդւոյ նորա Մարտիրոսին և շորեքտասան զինաւորացն»: Երեւանի Ս. Սարգիս եկեղեցում պատարագեց և քարոզեց հոգեշնորհ Տ. Մեսրոպ վարդապետ Պալյանը: Քարոզի բնարանն էր «Աստ արաս- ջիք զյիշատակ Սրբոյն Սարգսի զօրավարին, որ է տուն երկնից և ճանապարհ արքայութեան»:

* *

Փետրվարի 9-ին, շաբաթ, երեկոյան ժամը 7-ին, Հոգեւոր Ճեմարանի դահլիճում բանախոսեց Ճեմարանի դասախոս Գրիգոր Դյուլյանը, նյութ ունենալով ժաննա դ'Արբի կյանքն ու գործունեությունը:

Դասախոսությունը լավեց մեծ հետաքրքրությամբ:

* *

Փետրվարի 10-ին, կիրակի, Մայր Տաճարում պատարագեց և քարոզեց հոգեշնորհ Տ. Նարեկ արեղա Շաքարյանը: Քարոզի բնարանն էր «Աստ օրհնեցէք ամենայն ծառայք Տեառն զՏէր»:

Սուրբ պատարագին ներկա էր Վեհափառ Հայրապետը:

* *

Փետրվարի 10-ին, կիրակի, երեւանի Ս. Սարգիս եկեղեցում պատարագեց և քարոզեց հոգեշնորհ Տ. Ներսես վարդապետ Պողապալյանը: Քարոզի բնարանն էր «Արիւն մարտիրոսաց՝ սերմն քրիստոնեից»:

* *

Փետրվարի 16-ին, շաբաթ երեկոյան, Հոգեւոր Ճեմարանի հանդիսասրահում բանախոսեց Ճեմարանի դասախոս Պարգե Շահբաղյանը «Մխիթարյանները և հայ մշակույթը» թեմայի շուրջ:

Դասախոսությունը լավեց հարաճուն ուշադրությամբ:

* *

Փետրվարի 17-ին, կիրակի, Մայր Տաճարում պատարագեց և քարոզեց հոգեշնորհ Տ. Վահան վարդապետ Տերյանը «Լուսով քով Քրիստոս ամենեքեան լուսաւորեցաք» բնաբանով:

Սուրբ պատարագին ներկա էր Վեհափառ Հայրապետը:

* *

Փետրվարի 22-ին, ուրբաթ, Վեհափառ Հայրապետի նախագահությամբ, գումարվեց Գերագույն Հոգեւոր Խորհրդի նիստը:

* *

Փետրվարի 25-ին, երկուշաբթի, Մոսկվայից ԱՄՆ մեկնեց Սովետական Միության քրիստոնեական եկեղեցիների պատգամավորությունը, ԱՄՆ-ի եկեղեցիների ազգային խորհրդի հրավերով:

Պատգամավորության կազմում էր նաև Մոսկվայի հայոց հոգեւոր հովիվ գերաշնորհ Տ. Պարգե եպիսկոպոս Գեորգյանը, որպես ներկայացուցիչ Հայոց եկեղեցու:

Ամսի 22-ին Մայր Աթոռից Մոսկվա մեկնեց հոգեշնորհ Տ. Նարեկ արեղա Շաքարյանը, ժամանակավորապես փոխարինելու Տ. Պարգե եպիսկոպոսին:

* *

Փետրվարի 24-ին, կիրակի, Բուն բարեկենդան: Մայր Տաճարում պատարագեց արժանապատիվ Տ. Հովհաննես քահանա Մարությանը: Քարոզեց գերաշնորհ Տ. Հայկազուն արքեպիսկոպոս Աբրահամյանը, բնաբան ունենալով «Ապա ուրեմն, իւրաքանչիւր ոք ի մէջ, ընդ անձին համարս տացէ Աստուծոյ»:

Սուրբ պատարագին ներկա էր Վեհափառ Հայրապետը:

